

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum sint ponendæ notiones in diuinis. art. 2. disput. 1.

[urn:nbn:de:hbz:466:1-73915](#)

Ad confirmationem.

Ad primam confirmationem, concessio antecedente, negaret consequentiam: quoniam est latum discrimen inter ea, que in antecedente assumentur, & id quod in consequente inseratur, propter quod diceret, hoc contradictionem implicare, illa vero minimè. Etenim natura diuina ita esse deberet in multis suppositis, ut cum singulis esset idem: id vero esse non posset, nisi in eis diuidetur ac multiplicaretur. Sequeretur præterea, non, que sunt eadem vni tertio, esse eadem inter se, neque in Deo esse omnino modum simplicitatem, que omnia contradictionem implicare afferet, ut paulò ante dictum est. Cum vero nec humanus animus idem sit cum partibus corporis, in quibus est, neque item Angelus cum partibus loci, sanè nihil tale sequitur ex iis, que in antecedente assumentur.

Ad secundam confirmationem.

Ad secundam vero confirmationem respondebat, quod si esset in aliquo uno supposito, in quo recipiatur tanquam in re aliquo modo a se distincta, argumentum quidem haberet probabilitatis speciem: sed runc probaret etiam, non esse in tribus tantum: quia esset etiam coarctata & limitata ad tria supposita. Verum tamen diceret non ita se habere naturam diuinam, sed ipsammet esse suppositum quoddam infinitum & illimitatum, quod proinde nullam inferit limitationem in diuinitate.

Ad tertium.

Ad tertium argumentum negaret priorem partem antecedentis. Diceret enim id esse non posse, sine diuisione naturæ: naturam autem posse diuidi, ex imperfectione illius prouenit. Præterea si generare aut producere sibi simile esset perfectio in Patre, aliqua perfectio esset in Patre, aut Filiō, quæ nō in Spiritu sancto, quod nulla ratione est concedendum: quare posse producere sibi simile in natura, nō dicit perfectionem in Patre. De testimonio autem Isaiae ethnicius nihil curaret, praterquam quod ex antecedentibus, & sequentibus alium etiam sensum patitur testimonium illud, ut supræ dictum est. Neque ratio illa demonstratio, virginisve aliqua argumentatio est in solo lumine naturali, esto in eo sensu exponantur verba Isaiae.

Ad confirmationem.

Ad confirmationem negandum est antecedens: ignem namque producere actu, nullam perfectiōnem dicit in producente, sed in re producta, ut saepe in superioribus notauius.

Ad quartum.

Ad quartū, negaret Philosophus maiorem. Tum quia communicare se actu, nullam dicit perfectiōnem in eo, qui se communicat, ut dictum est. Tum etiam quia diceret, impliatur contradictionē Deum communicare se infinitè: ad extra quidē, quia nulla ratione esse potest effectus infinitus: ad intra vero, quia diceret id fieri non posse sine diuisione naturæ, ac proinde id iam non esset communicare se ad intra, sed ad extra eo modo, quo Arius processio nem Filij à Patre constituit in diuinis.

Ad quintum.

Ad quintum negaret maiorem, de persona infinita omnia in se eminenter continentem, qualis esset illa una per se diuina: neque enim existente altissima Trinitate personarum in Deo, singulis diuinis personis aliquid felicitatis ex aliarum confortio accrescit.

Ad sextum.

Ad sextum neganda est maior, ut ex dictis est manifestum.

Confirmationem vero ex iis, qua conclusione prima diximus, constat nihil ad rem praesentem efficere. Non enim negamus quempiam ex suis tantum naturalibus posse fide humana propter autoritatem proponentis, aut communitatris credētis, &c. assentiri articulo gloriosissime Trinitatis: fed quod assentimus est, nullam esse rationem ex lumine na-

A turali-petitam, propter quam, seclusa omni autoritate & reuelatione, homines sibi persuadere potuissent in Deo esse sanctissimam Trinitatem personarum, ne dum demonstratiū, evidenterque cognoscere.

Ad septimum, negaret infidelis maiorem: Catholicus autem dicere posset, in homine esse imaginem altissimam Trinitatis, verum tamen imperficiam, quæ minimè sufficiens sit, ut ex ea gloriosissima Trinitas personarum naturaliter cognoscatur: præsertim cum naturaliter non apprehendatur ut imago felicissimam Trinitatis, sed ut quædam res in se: post reuelatum vero mysterium diuinissimam Trinitatis conducere, ut per eam explicetur. Porro in homine dicitur esse imago adorandissimam Trinitatis, tum quia in humano animo sunt tres personæ, sicut in Deo sunt tres personæ: tuum vel maximè quia, quemadmodum Pater intelligendo producit Verbum, Patérque ac Verbum producunt Spiritum sanctum, qui est amor productus: ita manus animus intelligendo producunt verbum, idemque animus concurrente verbo producunt amorem. Dicitur præterea homo esse ad imaginem Dei, quantum Deus est, quia sicut in Deo est liberum arbitrium, quo Dominus est suorum auctuum per intellectum & voluntatem: ita etiam in homine. Vnde Damascenus lib. 2. fidei orthodo. cap. 12. *Hic verbi*, inquit, *ad imaginem, ut intelligendi, arbitriique libertas intelligitur*. Præterea quia licet in Deo est intellectus, quo videt se, & voluntas, qua seipsum diligat, fruiturque seipso clare viso, in quo beatitudo ipsius est positâ: ita in homine est intellectus, quo capax est visionis diuinæ essentia, & voluntas, qua Deum potest diligere, eoque clare viso frui: eaque ratione instar Dei esse potest beatus, iuxta illud 1. Ioan. 3. *Scimus quoniam cum apparuerit semper ei erimus, quia videbimus eum sicuti est*.

Ad postremum argumentum respondet D. Thomas, Philosophos illos naturales cognovisse quidem de Deo attributa aliqua, quæ diuinis personis appropriantur, ut potentia, quæ appropriatur Patri, sapientia, quæ appropriatur Filio, bonitas, & amorem, quæ appropriantur Spiritui sancto. Ut tamen altissimam Trinitatem, personasque diuinas minimè cognoverunt: ita neque appropriationem eiusmodi attributorum. Dicendum præterea est, si quid de arcano gloriosissime Trinitatis mysterio docuerunt, id non acumen sui intellectus, lumineque naturae duos comparasse, sed vel à Prophetis, virisque Catholice insignibus tam legis naturæ, quam seripta didicisse, iuxta ea que quæst. 1. s. art. 1. dif. 1. diximus. In numero autem horum insignis virtus legis naturæ, non solum Iob, & similes, sed etiā Sibyllas comprehendit. Vel certè eis ipsi Philosophis aliqua illustratio diuinitus facta est.

ARTICVLVS II.

Vtrum sint ponenda notiones in diuinis.

DISPUTATIO I.



O TIO in re proposita non est aliud, *Nato quia* quam ratio cognoscendi vnam personam, *ut ab alia, aut aliis distinctam*. Hoc est, est forma, aut quasi forma, qua vna persona cognoscitur distingui ab alia, aut aliis. Hanc explicationem notio[n]is innuit D. Thomas initio articulo sequentis, consonante Augustinus 5. de Trinitate, cap. 6. Cùm autem persone distinguantur relationibus originis, duo necessaria sunt, ut aliquid

aliquid notio dicatur. Vnum est, ut significetur in abstracto: eo enim modo significatur ut ratio, seu forma, aut quasi forma persona. Alterum vero est, ut pertineat ad originem. Unde paternitas est notio, qua pater intelligitur distingui a Filio; filatio est notio, qua Filius intelligitur distingui a Patre; spiratio activa est notio, qua tam pater, quam Filius intelliguntur distingui ab Spiritu sancto: & processio, seu spiratio passiva est notio, qua Spiritus sanctus intelligitur distingui a Patre & Filio. His quatuor notiōibus addunt Augustinus & alii, inaccessibilitatem, quæ sit quinta notio, qua Pater intelligitur distingui a Filio & Spiritu sancto, de qua re articulo sequenti.

Ne vero quis a equivocatione fallatur, animaduertendum est, tria esse nominum genera in diuinis. Quædam dicuntur essentialia, Hæc sunt, quæ vel in concreto, vel in abstracto significant diuinam essentiam, aut id quod conuenit Deo ratione essentia. Unde sicut essentia communis est tribus personis; sic etiam significata horum nominum tribus personis communia sunt. Eiusmodi sunt nomina, Deus, essentia divina, sapiens, sapientia, potentia, aternitas, Dominus, creator, &c. Alia dicuntur notionalia, nempe illa, quæ significant processiones ipsas, hoc est, relationes originis per modum actionis, aut passionis: cuiusmodi sunt generans, genitus, spirans, spiratus, dicere, generate, spirare, generatio, &c. Alia denique dicuntur personalia, illa videbile, quæ significant personas, aut id quod ratione personarum conuenit (excipie processiones, & ceteræ notionales, quos nomina notionalia significat.) Huiusmodi sunt nomina, Pater, Filius, Spiritus sanctus, persona singulari, & persona in plurali (quicquid aliqui ex doctoribus Nominalibus in ceterariū dicant) vocabulū Trinitas, & si quæ sūt huiusmodi.

Hinc intelliges, in questione, quam discutimus, D longè diuersum quid esse notiōnem à nomine notionali: paternitas namque, filatio, spiratio activa, & spiratio passiva sunt notiōnes: nomina autem quibus ista significantur non dicuntur nomina notionalia, quippe cum non significant processiones, seu relationes per modum actionis, aut passionis: sed pertinent ad nomina personalia, eo quod sunt abstracta personalium: abstractum autem, & concretum ad idem genas nominum pertineat.

His ita constitutis, in corpore articuli referit D. Thomas opinionem, aut potius errorem Præpositiū assentientis in diuinis nec proprietas nec notiones personalis, esse constituentias. Nitebatur vero huic fundamento. Quod proprietas & notiones sunt abstracta: in diuinis autem admittit̄ ea non sunt abstracta proper diuinam simplicitatem. Quare si cubi abstracta intuebatur, exponebat illud per conceptum. Ut enim dicitur ergo benignitate tuam, id est, te benignum: ita dicebat, quando dicitur in Deo est paternitas, intelligi, quasi dictum sit, Deus pater.

Impugnat D. Thomas hanc sententiam. Ac in primis ostendit uniuersum admittenda esse in diuinis abstracta & concreta, tam in essentialibus, quam in personalibus: quoniam in rebus creati vienur abstracta ad significandas formas simplices, concretis vero ad significandas res substantiales: sed in diuinis sunt formæ simplices ac substantiales: ergo ratione simplicitatis viendum est abstractis, concretis vero ratione substantiæ.

Postulamus etiam ad hominem in hunc modum argumentari. Concreta potius, quam abstracta, denotat compositionem: ergo abstracta potius quam concreta, quadrat in diuinam simplicitatem: non

Molina in D. Thom.

A ergo propter diuinam simplicitatem excludenda sunt à diuinis abstracta, sed potius sunt admittenda. Atque id planè docet Bernardus sermone 8o. super cantica, ubi sequit, inquit, de Deo proprie dici possit, rectius congruentius que dicitur, Deus est magnitudo, bonitas, iustitia, sapientia, quam Deus est magnus, bonus, iustus, aut sapiens. Refertque Eugenius, Pontifici maximo, ceteris Patribus in Cœilio Rhenensi congregatis, peruersam, suspectamque omnino visam fuisse expositionem Gilberti Pietauorum Episcopi super Boëtium de Trinitate, ubi abstracta exponebat per concreta, dicens pater est ueritas, id est, verus: quare rata non est opinio Præpositoriū, cum sit illi eadem, quæ adeò Patribus in eo Concilio dispuicit, ut ab eis reprobaretur.

Deinde reddit D. Thomas duas peculiares rationes, quæ in personalibus admittenda sunt non solum concreta, sed etiā abstracta, arque adeò notiones, proprietatesq; personalis. Prima est, quoniam cum confitemamur Patrem, Filium, & Spiritum sanctum, esse vnum Deum, & tres personas, quæribus haereticis, quo sint vnum? & quo sint tres? sicut respondetur essentia, ac Deitate esse vna, sic etiā oportet esse similia nomina abstracta quibus respondeatur, quo sunt tres, ac dicatur, paternitate, filiatione, & spiratione passiva, esse tres, tamquam proprietatis, quibus tripla inter se distinguuntur: unde inquit D. Thomas, essentia significatur, ut quid, seu quidditas personarum: persona, ut quis: & proprietas, ut quo persona hac distincta est a ceteris.

Secunda ratio est, quoniam una persona Patrii referatur ad duas personas, nempe ad Filium & Spiritum sanctum; non una relatione: una enim Filius, & Spiritus sanctus referuntur etiam una relatione ad Patrem, ac proinde, cum relatio multiplicet sanctissimam Trinitatem, Filius, & Spiritus sanctus non essent persona distincta, inter se. Cum ergo pater sit una tantum persona, & in se habeat duas relationes, oportet vitramque nominibus designemus, ac dicamus, unam esse paternitatem, qua Pater referit ad Filium: alteram vero spirationem, adiuam, qua respicit Spiritum sanctum: neque enim nominibus concretis commodè possent designari tamquam ea quibus vnum quid referatur ad multas, quare admittenda sunt abstracta proprietatum ac relationum personalium, ac proinde notiones.

Ad hanc rationem negabat Præpositorius, Patrem referri duabus relationibus ad Filium & Spiritum sanctum. Dicebat: Namque quemadmodum Deus una relatione referunt ad omnes creature, cum tamen creature multis relationibus referantur ad Deum: sic etiam Patrem: una relatione referri ad Filium & Spiritum sanctum: cum tamen Filius & Spiritus sanctus multis recipiant Patrem.

Hanc tamen responsionem inde vult euertere D. Thomas, quod cum ratio formalis specifica cuiusque relationis sit: aliud se habere, fieri nullatenus potest ut duabus relationibus specie, aut quasi specie distinctis (quod addo propter diuinas relationes: ut enim in diuinis esse nequit genus, ita ne quo species) respondeat una tantum relatio ex parte termini. Ad exemplum vero Præpositoriū de relationibus creaturarum ad Deum, in primis responderet: creature omnes referri ad Deum relationibus eiusdem rationis, ac speciei. Deinde vero adiicit, esto ex parte creaturarum sint relationes ad Deum alterius, ac alterius speciei, nullum esse absurdum si concedas, ex parte etiam Dei relationes alterius, ac alterius speciei eis respondere, eò quod Deus referunt ad creature relationes rationis, nullumque

O o omnino

Resistio Præ
positoriū.

Relationes diuinae quo modo specie potius quam solo numero distinguuntur.

Ex iis, quæ circa hanc secundam rationem docet D. Thomas, notandum primò. Quamvis quatuor relationes diuinae sint rationes formales primò diversæ, nullaque vniuerso conueniant, ut q. 8. art. 4. disp. 2. ostendimus, nihilominus cùm sint alterius, ac alterius rationis, potius videri quæ specie distinctas quam solo numero: cùm tamē ratio speciei in eis non reperiatur, cō quod non minus repugnat vnamquamque illarum rationum diuidi, multiplicari, aut contrahi, quam nature ipsi diuinæ.

Obiectio.

Deinde aduersus id quod D. Thomas docet hoc loco nempe duabus relationibus specie, aut quasi specie distinctis, respondere non posse vnicam specie relationem ex parte termini, obiectio aliquis. Pugnantia dicere D. Thomam: quoniam ut ipse met. 3. part. q. 33. a. 5. affirmat, pater & mater in humanis referuntur ad filium duabus relationibus specie distinctis, quod pater & mater secundū esse patris & matris, specie distinguuntur: & tamen filius referuntur ad eos vnicā relatione filiationis specie: ergo falsum est, quod hoc loco docet secundum pugnat.

Solutio.

Patri & matris relationes an specie differunt.

Ad hoc argumentū respondent Cæteranus, Torres, alisque discipuli D. Thomæ, doctrinam eius hoc loco intelligendam esse, quando relata distincta specie sunt integra: secus autem quando sunt partes vnius integræ relati. Tunc vero appellant relata distincta inter se specie partes vnius integræ relati, quando ad fundamentum seu rationem fundandi relationū reciprocarum necessarius est varius concursus vtriusque: quo pacto ad generationem filij in humanis, que è strato fundandi, tum filiationem, tum etiam paternitatem, ac maternitatem, necessarius est partialis, diversisque cursus patris, ac matris: quare quia pater & mater sunt de numero horum relatorum, Filius vero & Spiritus sanctus, comparatione Patris in diuinis, non item, sit ut doctrina traditur à D. Thoma hoc loco, intellecta, ut eam exposuimus, verissima sit, nec repugnet doctrina, quā 3. parte tradidit Nos: Metaph. probabile existinabamus relationem patens in filio, ut sub se comprehendit patrem ac matrem, esse speciem infinitam, diuiditque parentem in patrem ac matrem, differentiis accidentiaris, quæ cum parente in commune efficiunt compositionem per accidens: non secus ac si hominem diuidas in manum & feminam. Elige quod malueris.

D I S P O S I T I O N E I I .

Examinantur Gregorij Ariminensis & Aureoli opiniones circa notiones, proprietates & personales.

Opinio Greg. Regorius in 1. dist. 1. 6. quæstio. 1. negat proprietates personales & notiones in diuinis negotiis pre*priores*, & notiones.

Arg. Greg.

Dicitur potissimum in hanc assertiōem, quoniam si persone eiusmodi proprietatibus, quæ aliquid eorum sint, constituerentur & distinguenterint inter se, non essent simplices omnino, sed compōsita ex essentiā & eis proprietatibus realibus, quod fidei Catholice repugnat. Reliqua argumen-

A ta Gregorij, quoniam facile ex iis, quæ dicemus, diluuntur, breuitatis gratia mitto.

Deinde ad rationem D. Thomæ hoc loco quod probat, constituendas esse proprietates ac notiones, ed quod oporteat esse, quo respondeamus ad instantiam hereticorum, quando querunt, quo persona diuina sunt vnum, & quo sunt tres, responder Gregorius: Sufficienter non esse eductos ab Augustino, & Hieronymo ad respondendum sine dictis proprietatibus. Hieronymus enim in expositione symboli ad Damalum quartu tomolo quens de Parte, Filio, & Spiritu sancto, ita inquit:

B Substantiā sunt vnum, sed personis ac nominibus distinguuntur. Et paulo superius dixerat: Non nomina tantummodo, sed etiam nominum proprietates, id est, personas, vel, ut Graci exponunt, essentias, hoc est, substantias, confitentur. Vbi Hieronymus nomine proprietatum, personas ipsas procul dubio intelligit. Augustinus etiam, in sermone de fide & symbolo, Credimus, hanc Trinitatem personis distinctam, & substantiam unitam.

In aliā partem extremam vergit Aureolus cītatus hoc loco à Cæterano. Etenim vult proprietates ex natura rei distinguiri à personis, quarum sunt proprietates, & paternitatem à Parte. Quod probat, quia paternitas le tota distinguuntur à filiatione: cū tamen Pater non se toto distinguatur à Filio, quippe cū in essentiā conueniant, quam vtique corrum includit. Quod si paternitas, & Pater distinguuntur sola ratione, non secus ac Deus & Deitas, sanè quanta identitas est inter Patrem & Filium tanta est inter paternitatem & filiationem.

C Prima dictio. Sit nihilominus prima conclusio. Concedenda sūc proprietates in personis diuinis, quæ in eo sensu sunt aliquid earū, ut virtute, tamquam quid inclusum ab includēte, ab eis ex natura rei distinguuntur. Conclusio hæc est aduersus Gregorium, et quæ manifesta ex iis, quæ diximus q. 2. 8. a. 2. d. 6. & d. 5. conclusi, 3. vbi ostendimus, relations diuinis, quantum præcisæ relations sunt, virtute distinguiri ab essentiā, & neque essentiā esse illis intrinsecam, neque eas essentiæ: esse tamen identem & ratione formaliter inter se: & tā essentiā, quam relations esse de intrinseca ratione formalis personarum, quarum sunt proprietates: quod sit, ut eiusmodi proprietates virtute distinguuntur ab iis personis, quarū sunt proprietates, tamquam inclusum ab includente, atque adeo ut in sensu explicato sint earum aliquid.

D Prater ea qua locis citatis dicta sunt confirmari potest conclusio. Quoniam Pater generando Filium communicat ei totam suam essentiam, ut cap. *Damnamus*, de summa Trinitate & fide Catholica definitum est: sed non communicate ei id reale, quo ab eo distinguuntur: alioquin non distinguenterint inter se: cū ergo Pater vtrumque includat, essentiam scilicet, in qua conuenit cum filio, & id reale relationis, quo ab eo distinguuntur: planè id reale, quo distinguuntur, & quod est proprium Parti, virtute saltem distinguuntur à Parte tamquam inclusum ab includente. Confirmari id ipsum potest ex cap. *Firmiter*, eodem titulo, illis verbis: *Hæc sancta Trinitas secundum communem essentiam in dividitur, & secundum proprietates personales distinetur*.

E Secunda conclusio. Personales proprietates, nec ratione formaliter, distinguuntur ex naturae à personis. Hæc est contra Aureolum, constatque ex dictis disput. 5. & 6. citatis, quare cū vnaquæque persona constitutur ex essentiā & proprietate personali, neutrum sane distinguuntur te aut ratiōne